

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PELAKSANAAN STOK PENIMBAL GULA PUTIH BERTAPIS OLEH PENGILANG GULA TEMPATAN

PUTRAJAYA, 14 Januari 2022 - Kementerian Perdagangan Dalam Negeri dan Hal Ehwal Pengguna (KPDNHEP) telah melaksanakan stok penimbal gula putih bertapis oleh dua buah kilang memproses gula iaitu Central Sugar Refinery Sdn Bhd (CSR) dan MSM Malaysia Holdings Bhd (MSM) bermula 1 Januari 2022 sebagai inisiatif awal bagi mengelakkan masalah bekalan gula di pasaran pada masa hadapan.

2. Keputusan ini dibuat setelah negara mengalami isu perbekalan gula beberapa kali kebelakangan ini ekoran daripada pelbagai faktor seperti penutupan kilang, jangkitan Covid-19 terhadap pekerja kilang, kerosakan kepada mesin *boiler* dan lain-lain lagi.

3. Sehingga kini laporan mingguan pengeluaran gula yang diterima daripada empat buah kilang gula tersebut menunjukkan *trend* pengeluaran gula yang sama, tetapi sebagai langkah proaktif, KPDNHEP telah merangka strategi bagi memastikan pengeluaran dan bekalan gula dalam pasaran domestik tidak terjejas.

4. Berdasarkan statistik Jabatan Perangkaan Malaysia, **penggunaan gula domestik dianggarkan sebanyak 0.65 kg sebulan per kapita** dan

menjadikan **jumlah tahunan** yang diperlukan dianggarkan sebanyak **255,450MT setahun bagi keperluan 32.75 juta rakyat Malaysia**. Manakala bagi **pengeluaran kedua-dua syarikat pengilang gula** adalah sebanyak **1,500,000MT** setahun mencukupi untuk kegunaan rakyat Malaysia dan kegunaan industri di Malaysia.

5. Justeru, sebagai langkah berjaga-jaga dan dalam usaha memastikan supaya bekalan gula dalam pasaran domestik sentiasa mencukupi, KPDNHEP telah mengadakan sesi libat urus dengan kedua-dua syarikat pengeluar utama bagi membincangkan dan mencari solusi yang boleh diambil untuk mengelakkan kejadian kekurangan bekalan gula dalam pasaran berlaku lagi di masa hadapan.

6. Selaras dengan Peraturan 12A, Peraturan-Peraturan Kawalan Bekalan 1974, kedua-dua syarikat telah diarahkan **untuk melaksanakan stok penimbal berjumlah 53,000MT** bagi gula putih bertapis **pada setiap masa** dan hanya digunakan apabila berlaku kekurangan bekalan di sesuatu kawasan selaras dengan Arahan Pengawal Bekalan.

7. Mekanisme kawalan stok penimbal pula adalah seperti berikut:

- a) kuantiti gula pasir putih bertapis disimpan secara stok terapung (*floating stocks*) pada kadar yang ditetapkan selama 11 hingga 15 hari.
- b) Pemantauan berterusan akan dilakukan berdasarkan pelaporan yang dikemukakan oleh pengilang bagi

memastikan kuantiti *stockpile* sentiasa berada pada kadar yang ditetapkan.

- c) Kegagalan mematuhi arahan boleh menyebabkan tindakan dikenakan di bawah Akta Kawalan Bekalan 1961 yang membawa hukuman denda tidak melebihi RM1 juta ringgit atau penjara tidak melebihi 3 tahun atau kedua-duanya sekali bagi kesalahan kali pertama atau denda tidak melebihi RM3 juta atau penjara tidak melebihi 5 tahun atau kedua-duanya sekali bagi kesalahan kali kedua dan seterusnya.

8. Akhir sekali, pelaksanaan stok simpanan (*stockpile*) gula putih bertapis oleh pengilang gula tempatan dijangka dapat membantu untuk mengelakkan gangguan terhadap bekalan gula berlaku di masa akan datang dan sekali gus dapat mengelakkan pihak-pihak yang tidak bertanggungjawab mengambil kesempatan dengan menaikkan harga dan menyimpan stok gula ketika berlaku krisis gangguan gula.

###

YB Dato Sri Alexander Nanta Linggi
Menteri Perdagangan Dalam Negeri
dan Hal Ehwal Pengguna
PUTRAJAYA, 14 Januari 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampun sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

